



Broj: 01-177/19
Vareš, 30.09. 2019. godine

Z A P I S N I K
sa 29. sjednice Općinskog vijeća Vareš,
održane 30.07. 2019. godine

Predsjedavajući OV pozdravio je sve prisutne.

Izvršena je prozivka vijećnika.

Prisutni vijećnici: Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Emir Islamović, Kenan Kamenjaš, Demo Kevrić, Mario Mirčić, Safeta Muftić, Anel Muftić, Nedžad Mušanović, Kruno Ridić, Branko Romić, Elvir Rožajac, Igor Šimić i Nikola Šimić.

Odsutni: Lidija Miletović Berberović i Fadila Turki.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 29. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, tajnik Općinskog vijeća – gosp. Leon Pavlović, rukovodilac JURA-e – gosp. Rusmir Berberović, ispred Službe za privredu, finansije i trezor gosp. Boro Anđić i gosp. Stela Andrić, predsjednici političkih partija i predstavnici medija.

Tajnik OV Leon Pavlović izvijestio je Vijeće o odgovorima na postavljena vijećnička pitanja sa 28. sjednice OV održane 27.06.2019. godine. Na 28. sjednici donesen je jedan (1) zaključak . Postavljeno je šesnaest (16) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik Zdravko Marošević za današnju sjednicu nije imao obraćanja o aktuelnim pitanjima.

(Vijećnička pitanja)

Elvir Rožajac

1. Zamolili su me građani Vareš Majdana koji rade prvu smjenu u Varešu, da li se može organizirati kakav javni prijevoz? Dao je pojašnjenje.
2. Da li se može iznaći mogućnost da se sanira put – plato prema UniCredit banci?

Kruno Ridić

3. Građani ponovo pitaju šta je konkretno urađeno i kome se trebaju obratiti po pitanju nabavke ogrjeva.
4. Građani mole načelnika da se izvrši postavljanje nastrešnica na autobuskim stajalištima (jedna u Vareš Majdanu, a jedna u Varešu.)
 - Građani se žale da nema redovnog voznog reda, vozači kasne.

Adis Čizmo

5. Traži od Općinskog načelnika da upozna Vijeće o proceduri prodaje sportsko-rekreacionog centra Doli, s obzirom da je bio otvoren javni poziv za prodaju istog?
6. Traži od Općinskog načelnika informaciju o radu na putu za Poljice, put je urađen do Mijakovića i da li će se i kada nastaviti radovi na putu do Dragovića?

Branko Romić

7. Mogu li se (u okviru izrade Odluke o utvrđivanju površina za parkiranje motornih vozila) intenzivirati evidencije perioda točnog kada vozila frekventnije budu parkirana na površinama o kojima će se razmatrati. Da se pojača nadzor radi sigurnosti, ali i naplata parkinga u svim dijelovima grada. Dao je pojašnjenje.
8. Koliko se u nadležnoj službi adekvatno evidentiraju i naplaćuju turističke takse? Dao je pojašnjenje.

Vijećnik Džemo Kevrić uputio je konstataciju da se kroz prihode koji se ostvaruju u budžetu mogu realizirati sva ova vijećnička pitanja koja vijećnici upućuju u ime građana koji traže da se neke stvari realiziraju. Obavijestio je Vijeće o problemu pasa lualica koji po selima uništavaju stoku. O istom je dao pojašnjenje.

Općinski načelnik dao je usmene odgovore na postavljena vijećnička pitanja na samoj sjednici.

Predsjedavajući OV stavio je na raspravu Zapisnik sa 28. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 28. sjednice OV i nakon izjašnjavanja vijećnika konstatira da je **jednoglasno sa (16 glasova „ZA“)** (odsutan vijećnik Anel Muftić) **usvojen Zapisnik sa 28. sjednice OV.**

Predsjedavajući OV stavio je na raspravu prijedlog dnevnog reda za 29. sjednicu OV koji je usuglašen na Kolegiju Općinskog vijeća.

Predsjedavajući OV predložio je dopunu dnevnog reda na osnovu dostavljenog materijala od ovlaštenog predlagača sa točkom 1. „Prijedlog Rješenja o utvrđivanju prava vlasništva u korist ERLBEK TOMISLAVA iz Vareša.“. Ostale točke se pomjeraju za jedno mjesto.

Prijedlog za dopunu stavljen je na izjašnjavanje i nakon izjašnjavanja vijećnika predsjedavajući OV konstatira da je **jednoglasno sa (16 glasova „ZA“)** (odsutan vijećnik Anel Muftić) **usvojena dopuna dnevnog reda.**

Predsjedavajući OV stavio je na izjašnjavanje prijedlog dnevnog reda 29. sjednice OV sa usvojenom dopunom.

Nakon izjašnjavanja predsjedavajući OV konstatira da je prijedlog dnevnog reda 29. sjednice OV **jednoglasno sa (16 glasova „ZA“)** (odsutan vijećnik Anel Muftić) **usvojen sljedeći**

Dnevni red

1. Prijedlog Rješenja o utvrđivanju prava vlasništva u korist ERLBEK TOMISLAVA iz Vareša.
Izjavitelj: Ermin Musa.
2. Izvještaj/Izvešće o izvršenju budžeta/proračuna općine Vareš za period januar/siječanj-jun-lipanj 2019. godine.
Izjavitelj: Općinski načelnik.
3. Prijedlog Odluke o izmjeni Odluke o utvrđivanju površina za parkiranje motornih vozila.
Izjavitelj: Ermin Musa.
4. Prijedlog Odluke o načinu i uslovima raspolaganja nekretninama-javne prodaje građevinskog zemljišta u svrhu izgradnje stambenih objekata.(Dabravine)
Izjavitelj: Ermin Musa.
5. Prijedlog Odluke o prenosu u trajno vlasništvo N3 teretnog vozila Gradu Bihaću.
Izjavitelj: Ibrahim Spahić.
6. Prijedlog Programa obilježavanja 16. augusta - Dana općine Vareš.
Izjavitelj: Općinski načelnik.
7. Prijedlog Rješenja o imenovanju Stručne komisije za procjenu prometne vrijednosti nekretnina.
Izjavitelj: Općinski načelnik.

8. Izvještaj o realizaciji Programa rada Općinskog vijeća Vareš za prvo polugodište 2019.godine.
Izjestilac: Sekretar OV.
9. Tekuća pitanja.

Ad. 1.

*(Prijedlog Rješenja o utvrđivanju prava vlasništva
u korist ERLBEK TOMISLAVA iz Vareša.*

Nije bilo rasprave po ovoj točki dnevnog reda i predsjedavajući OV stavio je na izjašnjanje Prijedlog Rješenja o utvrđivanju prava vlasništva u korist ERLBEK TOMISLAVA iz Vareša.

Nakon izjašnjanja vijećnika predsjedavajući OV konstatira da je **jednoglasno sa (16 glasova „ZA“)** (odsutan vijećnik Anel Muftić) **usvojeno**

*Rješenje o utvrđivanju prava vlasništva
u korist ERLBEK TOMISLAVA iz Vareša.*

Ad. 2.

*(Izvještaj/Izvješće o izvršenju budžeta/proračuna
Općine Vareš za period januar/siječanj – juni/lipanj 2019. godine.)*

Komisija za privredu, finansije i budžet na 16. sjednici održanoj 23.07.2019. godine jednoglasno je donijela Zaključak:

- Komisija Izvještaj/Izvješće o izvršenju budžeta/proračuna Općine Vareš za period januar/siječanj – juni/lipanj 2019. godine upućuje Vijeću na razmatranje uz konstataciju da se uvedu obavezne mjere štednje, odnosno da rashodi prate prihode, da se provodi Odluka o izvršenju Budžeta i da se napokon počne sa primjenom trezorskog poslovanja.

Ispred ovlaštenog predlagача Boro Anđić upoznao je Vijeće sa tehničkim dopunama u Izvještaju.

Otvorena je rasprava u kojoj su stavove, mišljenja i pitanja iznijeli vijećnici: Kruno Ridić (predložio OV da zaduži Načelnika i općinske službe da urade Plan mjera štednje), Elvir Rožajac, Branko Romić, Džafo Dženan, Safeta Muftić, Emir Islamović, Mirnes Ajanović, Đemo Kevrić, Elvir Rožajac (replika), Branko Romić (replika), predsjedavajući OV Adis Čizmo (skrenuo je pažnju vijećnicima da vode diskusiju o tački dnevnog reda), Đemo Kevrić (replika), Elvir Rožajac (replika), Mario Mirčić i Kruno Ridić.

Općinski načelnik Zdravko Marošević u svom obraćanju izjavio je da je na početku godine ovako financijsko stanje očekivao iz razloga neuspostavljanja vlasti. O istom je iznio svoje mišljenje i dao pojašnjenje.

Zaključena je rasprava i predsjedavajući OV stavio je na izjašnjanje Izvještaj/Izvješće o izvršenju budžeta/proračuna Općine Vareš za period januar/siječanj – juni/lipanj 2019. godine.

Nakon izjašnjavanja vijećnika predsjedavajući OV konstatira da sa **9 glasova „ZA“**, **2 glasa „PROTIV“** i **6 „SUZDRŽANIH“** glasova nije usvojen

*Izveštaj/Izvešće o izvršenju budžeta/proračuna Općine Vareš
za period januar/siječanj – juni/lipanj 2019. godine*

Ad.3.

*(Prijedlog Odluke o izmjeni Odluke
o utvrđivanju površina za parkiranje motornih vozila.)*

Komisija za statutarna pitanja i propise na 19. sjednici održanoj 22.07.2019. godine jednoglasno je donijela Zaključak:

- Komisija nema primjedbi na Prijedlog Odluke o izmjeni Odluke o utvrđivanju površina za parkiranje motornih vozila, te je upućuje Vijeću na razmatranje.

Otvorena je raspravu u kojoj su svoje stavove, mišljenja i prijedloge iznijeli vijećnici: Elvir Rožajac, Emir *Islamović* (*predložio je izmjenу vezano za period parkiranja-umjesto navedenog perioda od 22 h-16 h da bude od 22 h do 17 h*), Mirnes Ajanović (ispred Kluba SDP predložio je da se ova točka povuče sa dnevnog reda dok se ne uradi trajno rješenje igrališta/parkirališta. O istom je dao pojašnjenje), predsjedavajući OV Adis Čizmo (podsjetio je Vijeće na Zaključak sa prošle sjednice po kome je urađen ovaj Prijedlog Izmjene Odluke, naglasio je da se ovdje radi o malonogometnom igralištu), Općinski načelnik Zdravko Marošević (izjavio je da ovo nije trajno rješenje, na prijedlog i procjenu Policijske stanice predloženo je trenutno rješenje) i Safeta Muftić (predložila je da se u ponuđenoj formi Prijedlog izmjene Odluke kao kompromisno rješenje usvoji i ako bude potrebe za izmjenom, ista se može izmijeniti).

Zaključena je rasprava i predsjedavajući OV stavio je na izjašnjavanje Prijedlog Odluke o izmjeni Odluke o utvrđivanju površina za parkiranje motornih vozila uz *izmjenу u članku 1. : riječi „u vremenu od 22 sata jednog dana do 16 sati narednog dana“ mijenjaju se i glase: „u vremenu od 22 sata jednog dana do 17 sati narednog dana“*.

Nakon izjašnjavanja vijećnika predsjedavajući OV konstatira da je **uz izmjenу, jednoglasno (sa 17 glasova „ZA“)** usvojena

***Odluka o izmjeni Odluke o utvrđivanju
površina za parkiranje motornih vozila.***

Ad.4.

(Prijedlog Odluke o načinu i uslovima raspolaganja nekretninama-javne prodaje građevinskog zemljišta u svrhu izgradnje stambenih objekata (Dabravine).

Komisija za statutarna pitanja i propise na 19. sjednici održanoj 22.07.2019. godine jednoglasno je donijela Zaključak:

- Komisija nema primjedbi na Prijedlog Odluke o načinu i uslovima raspolaganja nekretninama-javne prodaje građevinskog zemljišta u svrhu izgradnje stambenih objekata, te je upućuje Vijeću na razmatranje.

Otvorena je rasprava u kojoj je predsjedavajući OV Adis Čizmo predložio izmjenu u članu 6. Prijedloga Odluke i to: riječi „objavi u listu „Naša riječ“ mijenjaju se sa riječima „objavi u jednom od javnih glasila“.

Predsjedavajući OV konstatira da je ovlaštenu predlagač prihvatio izmjenu.

Zaključena je rasprava i predsjedavajući OV stavio je na izjašnjavanje Prijedlog Odluke o načinu i uslovima raspolaganja nekretninama-javne prodaje građevinskog zemljišta u svrhu izgradnje stambenih objekata (Dabravine).

Nakon izjašnjavanja vijećnika predsjedavajući OV konstatira da je uz izmjenu **jednoglasno sa (17 glasova „ZA“)** usvojena

Odluka o načinu i uslovima raspolaganja nekretninama-javne prodaje građevinskog zemljišta u svrhu izgradnje stambenih objekata (Dabravine).

Ad.5.

(Prijedlog Odluke o prenosu u trajno vlasništvo N3 teretnog vozila Gradu Bihaću.)

Komisija za statutarna pitanja i propise na 19. sjednici održanoj 22.07.2019. godine jednoglasno je donijela Zaključak:

- Komisija nema primjedbi na Prijedlog Odluke o prenosu u trajno vlasništvo N3 teretnog vozila Gradu Bihaću s tim da se u članu 1. Prijedloga Odluke brišu riječi „Ovom Odlukom, te je upućuje Vijeću na razmatranje.

Općinski načelnik Zdravko Marošević dao je dodatno pojašnjenje za ovu točku dnevnog reda i obrazložio razloge i svrhu doniranja vatrogasnog vozila Općine Vareš Gradu Bihaću.

Otvorena je rasprava u kojoj su učestvovali predsjedavajući OV Adis Čizmo (izjavio je da je dobio usmenu potvrdu da za navedenim vozilom nadležna Služba nema potrebe za istim. Smatra da je potrebno uz Prijedlog Odluke dostaviti i pismenu potvrdu) i vijećnik Mario Mirčić (predložio je dopunu u članku 1. i to: *iza riječi „N3 teretno vozilo,“ dodaju se riječi „specijalne namjene-cisterna“*)

Predsjedavajući OV konstatira da je ovlaštenu predlagač prihvatio predloženu dopunu u članu 1. i dostavu dokumenta o izjašnjavanju nadležne Službe.

Zaključena je rasprava i predsjedavajući OV uz prihvaćenu dopunu stavio je na izjašnjavanje Prijedlog Odluke o prenosu u trajno vlasništvo N3 teretnog vozila Gradu Bihaću.

Nakon izjašnjavanja vijećnika predsjedavajući OV konstatira da je uz dopunu **jednoglasno (sa 17 glasova „ZA“)** usvojena

Odluka o prenosu u trajno vlasništvo N3 teretnog vozila Gradu Bihaću.

Predsjedavajući OV dao je stanku u trajanju od 30 minuta.

Nastavljeno je sa radom sjednice.

Ad.6.

(Prijedlog Programa obilježavanja 16 augusta – Dana općine Vareš.)

Komisija za statutarna pitanja i propise na 19. sjednici održanoj 22.07.2019. godine jednoglasno je donijela Zaključak:

1. *Gosp. Duda Šehić, a prijedlog je od gosp. Čulić Bernade, Put mira 2 Vareš,*
2. *Gosp. Predrag Borković, a prijedlog je od gosp. Berberović Rusmira, Tirići Vareš,*
3. *Karate klub „Vareš“ Vareš, a prijedlog je od predsjednika Skupštine Karate kluba gosp. Klančević Ilhana,*
4. *Gosp. Boško Andrić, a prijedlog je od MZ Očevija i MZ Strica—Zaruđe.*

1. Prijedlozi pod rednim brojem 1., 2., 3., i 4. za priznanje za Plaketu Općine Vareš za životno djelo ne ispunjavaju kriterije koji su utvrđeni u Odluci o općinskim priznanjima i postupku njihove dodjele broj: 01-77/12 od 23.03.2012. godine.
2. Komisija preporučuje Općinskom načelniku da u skladu sa svojim nadležnostima iz člana 9. Odluke o općinskim priznanjima i postupku njihove dodjele broj: 01-77/12 od 23.03.2012. godine, uruči zahvalnice: gosp. Dudi Šehić, gosp. Predragu Borković, Karate klubu „Vareš“ i gosp. Bošku Andrić.

Otvorena je rasprava u kojoj je predsjedavajući OV Adis Čizmo podsjetio prisutne na stav Komisije za statutarna pitanja i propise koja je razmatrala pristigle prijedloge za dodjelu nagrada i zaključila da ni jedan prijedlog ne ispunjava kriterije. *Uz dato obrazloženje, predložio je da Općinski načelnik na Svečanoj sjednici uruči zahvalnice sportistima sa naše općine i to: Ahmedović Emir, Kamenjaš Kenan i Operta Šeherzada.*

Općinski načelnik Zdravko Marošević u svom obraćanju izjavio je da podržava prijedlog predsjedavajućeg OV.

Predsjedavajući OV podsjetio je Vijeće na Zaključak Komisije za statutarna pitanja i propise kojim Komisija preporučuje Općinskom načelniku da u skladu sa svojim nadležnostima iz člana 9. Odluke o općinskom priznanjima i postupku njihove dodjele , broj: 01-77/12 od 23.03.2012. godine, uruči zahvalnice: godp. Dudi Šehić, gosp. Predragu Borković, Karate klubu „Vareš“ i gosp. Bošku Andrić.

U daljnjoj raspravi su učestvovali vijećnici: Elvir Rožajac (podsjetio je prisutne na uspješne sportašice sa općine Ina Likić i Hrvat Emina), Kruno Ridić (predložio je uz dato pojašnjenje da se na Svečanu sjednicu pozove gosp. Raif Dizdarević), Općinski načelnik Zdravko Marošević i Mirnes Ajanović (uz dato pojašnjenje izjavio je da ce za iduću godinu pripremiti inicijativu da se razmotri i da Dan općine Vareš obilježava se 4. aprila).

Zaključena je rasprava i predsjedavajući OV uz *predložene preporuke* stavio je na izjašnjavanje Prijedlog Programa obilježavanja 16. augusta Dana općine Vareš.

Nakon izjašnjavanja vijećnika predsjedavajući OV konstatira da je **jednoglasno sa (16 glasova „ZA“)** (odsutan vijećnik Đemo Kevrić) **usvojen**

Program obilježavanja 16. augusta Dana općine Vareš.

Ad.7.

*(Prijedlog Rješenja o imenovanju
Stručne komisije za procjenu prometne vrijednosti nekretnina.)*

Nije bilo rasprave po ovoj točki dnevnog reda i predsjedavajući OV stavio je na izjašnjavanje Prijedlog Rješenja o imenovanju Stručne komisije za procjenu prometne vrijednosti nekretnina.

Nakon izjašnjavanja vijećnika predsjedavajući OV konstatira da **je jednoglasno sa (16 glasova „ZA“)** (odsutan vijećnik Nermin Hrvat) **usvojeno**

***Rješenje o imenovanju Stručne komisije
za procjenu prometne vrijednosti nekretnina.***

Ad.8.

*(Izveštaj o realizaciji Programa rada
Općinskog vijeća Vareš za prvo polugodište 2019. godine.)*

Sekretar OV Leon Pavlović dao je dodatno pojašnjenje za ovu točku dnevnog reda.

Otvorena je rasprava u kojoj su učestvovali vijećnici: Kruno Riđić, Branko Romić i predsjedavajući OV Adis Čizmo.

Zaključena je rasprava i predsjedavajući OV stavio je na izjašnjavanje Izveštaj o realizaciji Programa rada Općinskog vijeća Vareš za prvo polugodište 2019. godine.

Nakon izjašnjavanja vijećnika predsjedavajući OV konstatira da **je jednoglasno sa (15 glasova „ZA“)** (odsutni vijećnici Đemo Kevrić i Nermin Hrvat) **usvojen**

***Izveštaj o realizaciji Programa rada
Općinskog vijeća Vareš za prvo polugodište 2019. godine.***

Ad.9.

(Tekuća pitanja)

Predsjedavajući OV upoznao je prisutne sa pristiglom poštom:

1. Obavještenje o kršenju poslova upravljanja vodovoda na području MZ Kokošćići broj: 01-08/19 od 17.07.2019. godine, dostavljen od predsjednika MZ Kokošćići. Predsjedavajući OV upoznao je prisutne i sa odgovorom JKP d.o.o. Vareš broj: 253-04/19 od 15.04.2019. godine.

Općinski načelnik Zdravko Marošević u svom obraćanju naglasio je da JKP d.o.o. Vareš upravlja vodovodom u MZ Kokošćići na osnovu Odluke o povjerenju na upravljanje i održavanje vodovoda pitke vode u Mjesnoj zajednici Kokošćići, broj: 01-137/08 od 29.07.2008. godine i da se ista mora poštovati kao i Zakon koji reguliše ovu oblast. Također je naglasio da je za analizu vode zakonski nadležan Kantonalni Institut

za zdravlje i sigurnost hrane Zenica. Uzorak vode je poslat na analizu i čeka se povratna informacija.

U raspravi su učestvovali i iznijeli svoje mišljenje vijećnici: Branko Romić, Općinski načelnik Zdravko Marošević, Mario Mirčić, predsjedavajući OV Adis Čizmo, Kruno Riđić, Mirnes Ajanović i Elvir Rožajac.

2. Zahtjev za izlazak komunalnog inspektora na teren MZ Duboštica, broj: 02/2019. Od 05.07.2019. godine dostavljen od predsjednika Savjeta MZ Duboštica.

U raspravi su učestvovali vijećnik Branko Romić i Općinski načelnik Zdravko Marošević koji je informirao Vijeće da će komunalni inspektor Općine Vareš izaći na lice mjesta po dolasku sa odsustva i poduzeti mjere iz svoje nadležnosti.

3. Dopis Saveza općina i gradova FBiH u vezi Zahtjeva za pomoć u sanaciji posljedica prirodne nesreće u općini Kalesija, broj: 02-05-2610/19 od 27.06.2019. godine.

Općinski načelnik u svom obraćanju dao je pojašnjenje i zatražio da *Općinsko vijeće da suglasnost da se Općini Kalesija odobre sredstva iz budžeta Općine Vareš u iznosu od 1.000 KM na ime pomoći u sanaciji posljedica prirodne nesreće.*

Predsjedavajući OV stavio je na izjašnjavanje prijedlog Općinskog načelnika i nakon izjašnjavanja konstatira da je **jednoglasno sa (15 glasova „ZA)** (odsutni vijećnici Demo Kevrić i Nermin Hrvat) **usvojen**

Zaključak:

- *Daje se ovlaštenje Općinskom načelniku Općine Vareš da izvrši uplatu novčanih sredstava iz budžeta Općine Vareš za 2019. godinu u iznosu od 1.000,00 KM na ime pomoći u sanaciji posljedica prirodne nesreće na području općine Kalesija.*
- *Sredstva iz tačke 1. ovog Zaključka nadležna služba će uplatiti na žiro račun Općine Kalesija.*
- *Ovaj Zaključak stupa na snagu danom donošenja.*

4. Dopis JU Dom zdravlja Vareš, broj: 01-20-865/19 od 19.07.2019. godine. Dopis je dostavljen Zavodu zdravstvenog osiguranja ZDK u kome se traži mišljenje/saglasnost o raspisivanju konkursa za inženjera medicinske radiologije-fakultet zdravstvenih studija. Općinskom vijeću dopis je dostavljen na znanje.

Predsjedavajući OV izvijestio je Vijeće da je Zavod dostavio odgovor JU Dom zdravlja Vareš u kome ih je izvijestio da to nije u njihovoj nadležnosti.

Općinski načelnik Zdravko Marošević u svom obraćanju izjavio je da do sada niko nikad nije se obraćao Općini kao osnivaču u vezi prijema radnika. To je odgovornost javne ustanove. Odgovornost Općine Vareš kao osnivača je da financijski pomogne Javnoj ustanovi. U raspravi je učestvovao i vijećnik Elvir Rožajac.

5. Zahtjev za popravku kanalizacione mreže dostavljen od stanara „20 obiteljska“ ul. Zvijezda 24/2 od 22.07.2019. godine.

Općinski načelnik Zdravko Marošević iznio je svoje mišljenje i rekao da je to urađeno.

6. Vijećnička inicijativa da se na ulazu u Stari grad Bobovac postavi nacionalna zastava, a da se u samom središtu grada Bobovca nalazi zastava Kraljevskog grada Bobovca, broj: 01/1-32-228/19 od 27.06.2019. godine dostavljena od Općinskog vijeća Kakanj.

Općinski načelnik Zdravko Marošević izvijestio je Vijeće da je upoznat sa Inicijativom i da je ista dostavljena nadležnoj službi na daljnje postupanje. O istom je dao pojašnjenje.

7. Dopis u vezi zabrane parkiranja motornih vozila, broj: 187/19 od 25.07.2019. godine dostavljen od JP „Vareš-stan“ d.o.o. Vareš.

Općinski načelnik Zdravko Marošević u svom obraćanju informirao je Vijeće da je u postupku izrade nove odluke o utvrđivanju površina za parkiranje motornih vozila i da će ista biti usklađena sa Zakonom i potrebama općine Vareš.

Općinski načelnik Zdravko Marošević zahvalio se svima na suradnji. Uputio je čestitke građanima islamske vjeroispovijedi u povodu Kurban Bajrama.

Predsjedavajući OV Adis Čizmo zahvalio se svima na suradnji i u svoje lično ime i u ime Općinskog vijeća uputio je čestitke građanima islamske vjeroispovijedi u povodu Kurban Bajrama.

Sastavni dio ovog Zapisnika je audio zapis sjednice.

Sjednica je završena u 18,40 sati.

TAJNIK

Leon Pavlović

***PREDSJEDAVALJUĆI
OPĆINSKOG VIJEĆA***

Adis Čizmo

ZAPISNIČAR

Azra Pijadžer